





2023 йилнинг январь-май ойларига 890,6 млрд. сўмлик ишлар бажарилди

"Журналистман, деганимда қалбим гурур ва ифтихорга тўлади"

БУХОРО ВИЛОЯТИ

Бугунги кунда Бухоро вилоятида жами 15 ярим минг км. узунликда автомобиль йўллари мавжуд бўлиб, шундан умумий фойдаланишдаги автомобиль йўллари 4 минг км.дан зиёд...



"ЎЗИМИЗНИНГ ОДАМ" КИТОБИНИНГ ТАҚДИМОТИ БЎЛИБ ЎТДИ

(Боши 1-саҳифада) Тақдимот тадбирида устознинг ҳамкасблари, шогирдлари ва яқин дўстлари сўзга чиқиб, унинг меҳнат фаолияти давомида журналистика соҳасига қўшган беқиёс ҳиссаси ва ёзиб қолдирган аjoyиб китоблари ҳақида тўхталиб ўтишди.



– Ёрқул Умаров, аввало меҳрибон устоз эди, – дейди фахрий журналист Дилором Сармонова. – У киши 45 йилдан ортиқроқ вақт давомида турли маҳаллий ва марказий ОАВларида самарали меҳнат қилди. Шу соҳада кўплаб шогирдларни тайёрлади. Қатор йиллар давомида Ўзбекистон Журналистлари уюшмаси вилоят бўлимига раҳбарлик қилиб, Навоий вилояти журналистларининг меҳнатларини, иходони кўллаб-қувватлашда, рағбат...

Отабек АСЛОНОВ, "Qishloq hayoti" мухбири.

ЙЎЛЛАР СОЗ – МАШАҚҚАТ ОЗ



– Жамоамизнинг жорий йилда амалга ошириши белгиланган устувор вазифаларига тўхталадиган бўлсак, аввало, бажариладиган ишларимиз чорақлар кесимида тасдиқланиб, маҳаллабай ишлаш принципида манзилли рўйхатлар шакллантирилди ва барча зарурий захиралар яратилди, – дейди Бухоро вилояти автомобил йўллари бош бошқармаси бошлиғи Мурод Бердиев. Вилоятимизда 2023 йилда жами 1 трлн. 671,6 млрд. сўм миқдорига маблағлар ҳисобига 1 820,5 км. узунликдаги автомобиль йўллари, шаҳарлар ва бошқа аҳоли пунклари кўчаларида реконструкция ва таъмирлаш ишлари амалга оширилиши белгиланган. Жумладан, инфратузилмани ривожлантириш (инвестиция) дастури доирасида 82,3 млрд. сўм миқдорига ишлар бажарилиб, 3,9 км. узунликдаги шаҳар кўчаларимиз фойдаланишга топширилади. Умумий фойдаланишдаги автомобиль йўллари реконструкция қилиш бўйича 50,7 млрд. сўм маблағ ўзлаштирилади.

реконструкция қилиш бўйича 17 млрд. сўм маблағ ўзлаштирилади ва 3,9 км. қисми фойдаланишга топширилади. Эркин иқтисодий зоналарга олиб борувчи ва ички йўлларини таъмирлаш учун эса 10 млрд. сўм маблағ сарфланмоқда. Қолаверса, 6 донна йўл техникалари ва ускуналарни харид қилишга 4,6 млрд. сўм маблағ йўналтирилган. Капитал таъмирлаш дастури доирасида 49,4 млрд. сўм маблағ ўзлаштирилиб, 21,7 км. автомобиль йўлларимиз фойдаланишга топширилади.

Корхона жамоаси томонидан автомобиль йўлларини техник соҳада сақлаш мақсадида умумий фойдала-

нишдаги автомобиль йўлларини жорий таъмирлаш ва сақлаш бўйича 165,3 млрд. сўм миқдорига ишлар бажарилиб, 334,4 км. автомобиль йўллари жорий таъмирланмоқда. Маҳаллалар инфратузилмасини ривожлантириш дастури доирасида эса 772 млрд. сўм маблағ ҳисобига 1 335 км. узунликдаги ички йўллар таъмирланмоқда.

Шунингдек, 79 млрд. сўм эвазига амалдаги йилда вилоят бўйича жами 21 та таъмирталаб кўприк таъмирланиши ҳам кўзда тутилган бўлиб, бу борода ҳам кенг кўламли ишлар олиб борилмоқда.

Бундан ташқари, Осиё тараққиёт банки иштирокидаги А-380 "Ғузур – Бухоро



– Нукус – Бейнеу" автомобиль йўлининг "Бухоро – Газли" йўналишидаги 87 км. қисмини реконструкция қилиш ишларига 43,5 млн. доллар, шундан лойиҳа доирасида иқтисод қилинган маблағлар ҳисобидан "Цемент-бетон қопламали ички йўлларни қуриш" лойиҳаси доирасида 14,2 млн. доллар маблағ ўзлаштирилмоқда. Осиё инфраструктуравий инвестициялар банки иштирокида А-380 "Ғузур – Бухоро – Нукус – Бейнеу" автомобиль йўлининг "Бухоро – Қарши" йўналишидаги 78 км. қисмини реконструкция қилиш ишларига эса 8 млн. доллар маблағ йўналтирилган.

Амалга оширилган ишлар кўламини рақамларда акс эттиришда давом этамиз. 2023 йилнинг январь-май ойларига 890,6 млрд. сўмлик ишлар бажарилиб, бир ярим минг км.дан зиёд узунликдаги автомобиль йўллари, шаҳарлар ва бошқа аҳоли пунклари кўчалари таъмирланди. Белгиланган режа ортиғи билан бажарилди.

Вилоятда фаолият юритаётган "Amirbek gold way service" МЧЖ жамоаси томонидан жами 103,7 км. узунликда йўл қурилиши ишлари ҳам жадал олиб борилмоқда. Ушбу йўлнинг 95,55 км. қисми асфальт, 8,15 км. қисми бетон қопламали бўлиб, ҳозирги кунда бетон қопламали қисми қуриб, битказилди. Асфальтлаштириш ишлари эса қизгин бормоқда. Мазкур йўл қурилиши билан шуғулланувчи хусусий корхона раҳбари Шерназар Каримовнинг таъкидлашича, жами қиймати 53 миллиард сўмдан зиёд бўлган ушбу объектдаги ишларга корхонанинг 25 та йўл қурилиши техникаси, бетон ҳамда асфальт заводлари, 90 нафарга яқин ишчилар жалб этилган.

Ориф ЖУМАНОВ, "Qishloq hayoti" мухбири.

"СЎЗ САМАРҚАНДЛИК МУХБИРГА"

ёхуд Ўзбекистон Республикасида хизмат кўрсатган журналист, "Эл-юрт хўрмати" ордени соҳиби устоз Облоқул Усмонқулов фаолиятига бир назар



Ўзбекистон радиосининг Самарқанд вилоятидаги мухбири бўлиб кўп йиллар қалам тебратаган Облоқул Усмонқуловга кўҳна ва навқирон Самарқанд ва бу муқаддас қадамжода яшашга одамларнинг қувончу-ташвишларига шерик бўлишдек бахт насиб этди. Радио соҳасида катта билим ва тажрибага эга ижодкор замонавий радио талабларига мос, тингловчи қизиқишини уйғота оладиган, энг муҳими, давлатимиз сиёсатини самарали тарғиб қиладиган радиодастурлар тайёрлашга муносиб ҳисса қўшди.

шунингдек, уларни қийнаб келаётган муаммоларга алоҳида эътибор қаратилиб, қишлоқ аёлларининг оғирини енгили қилиш, уларнинг ҳаётдан рози бўлиб яшашлари учун шарт-шароитлар яратиш заруриги журналист чиқишларида ўз ифодасини топди. Масалан, Самарқанд вилоятидаги туманларни бир марта эмас, бир неча марта айланиб чиққан журналист Облоқул Усмонқулов интервью олиш учун Пахтачи туманидаги собиқ Курбон Ражабов номи хўжаликка борди. Шийпон атрофидаги ховуздан сув олаётган аёлга кўзи тушади. Салом-алиқдан сўнг, "Сувни молга олаясизми", деб сўрайди. "Йўқ, ўзимиз ичамиз", деган жавобни эшитгач, унга ачиниш билан боқиб, суриштиришга тушади. Маълум бўлишича, бу ерда тоза ичимлик суви муаммо экан. Журналистни хайратлантирган масала, Иштихон тарафдан Навоий ва Бухоро томон катта сув қувури ўтса-ю, одамлар мусаффо сувдан бенасіб эканлиги бўлди. Ўзбекистон радиосининг "Сўнги ахборот" дастурида бу ҳақда радиофелетон берилгач, муаммо тезда бартараф этилди.



Облоқул Усмонқулов қишлоқ кишиларининг турмуш тарзини эшитиришлар орқали кенг ёритиш билан чекланиб қолмай, уларга амалий ёрдам берилишига ҳам эришди. Пахтачи марказидан 15-20 километр узоқроқ масофада жойлашган "Қарнаб" давлат хўжалиги бошқа туманга қарагани кўп одамларнинг эътирозига сабаб бўлиб келарди. Облоқул ака кўлига қалам олар экан, бу мавзуни четлаб ўта олмади. Журналистнинг "Қарнабликларнинг ҳақли талаби қачон амалга ошади" номи радиофелетонидан сўнг муаммо ҳал этилди. Самарқанд туманидаги собиқ Фотима Қосимова номи хўжалиқдан тайёрланган "Ютуқлар ва тўсиқлар" радиозешиттириш ҳам кўпчиликнинг дилидаги гаплар кўтариб чиқилгани билан эл оғзига тушди. Гап шундаки, Булунгур туманидаги Килдон консерва заводи олдида

помидор ортиб келган турнақатор транспорт воситалари навабдга узоқ туриб қолиб, маҳсулот сув бўлиб оқиб кетаётгани тўғрисидаги танқидий чиқиш муаммонинг бартараф этилишига сабаб бўлди. Устоз журналист ана шундай ўз соҳасининг фидойиси бўлиб танилган. Унинг Ўзбекистон раиоси орқали ҳавола этилган "Хуррият қўшиғи ёхуд истиқлолнинг нашу-намоси", "Хурриятдан ортик нъмат борми?" "Мухбирликнинг завқ ва машаққати", "Мен сув ичган булоқлар", "Авлиёларнинг чирого асло ўчмаган", "Ижодкорларга меҳри ўзгача эди" радиоҳикоя ва очерклари қаламқашнинг ҳар бир мавзуга жиддий, алоҳида ёндашганини кўрсатади. Яна бир мисол "Суюнчи" бадиий фильмидаги "Сўз самарқандлик мухбиримизга" дейилгач, Облоқул Усмонқуловнинг овози янграшининг ўзи ҳам фильмга энг



ҚАЛДИРҒОЧЛАР БАФРИКЕНГ ОДАМЛАРНИ ЎЗИГА ДЎСТ ТУТАР ЭКАН

Қалдирғочлар кирган хонадонда ҳақиқатда тинчлик-хотиржамлик, фойз-барақа бўлади, дейишади.



Бир неча ой уйимизда яшаб, оила аъзоларимиздек бўлиб қоладиган бу кўкдам элчиларини ҳар йили интиқлик билан кутамиз. Қузда қузатамиз. Шу боис ҳам уларни меҳмон қушлар деб ҳам атаймиз. Қалдирғочлар бизни ўзига яқин олиб, ҳар баҳорда хонадонимизга учиб киради ва тезда ишга киришади. Тумшугида лой ташиб, уйимиз бурчагига ин куради. Утган йилги уяси бўлса, уни обдон таъмирлайди. Биз тонг отмасдан деразаларни очиб қўямиз. Сабаби, қалдирғочлар ишни жуда эрта бошлади. Тонгги сайроғи эса одамларни ҳам гайратга чорлайди. Эҳтимол шундандир, мен бу қушларни инсонга ўхшатаман. Қалдирғочлар уларга озор берган кишиларнинг уйига асло кирмайди. Бобом бир бадавлат киши уйимни ифлос қилади, чугурлаб, уйку бермайди, деб қалдирғочларни киритмас, ҳатто уясини бузиб ташлаган ҳам экан. Шундан кейин одамларни ўзига энг яқин билган қушлар бу хонадонга умуман қўнамайдиган бўлибди, деган эди. Бобомнинг бу гапидан билдимки, қалдирғочлар ҳам бағрикенг, қалби дарё одамларни ўзига дўст тутар экан. Ҳа, айвонда қалдирғоч уяси бор оддий хонадон ҳар қандай ҳашаматли, қасрмонанд уйдан обод ва кўркамдир. Вазира ХЎЖАМҚУЛОВА

Абдуҳолик МАРАЙИМОВ, "Ўзбекистон" телерадиоканали муҳаррири.

